

Bifreiðin sjálf, sem er nú á bifreiðaverkstæði Kr. Kristjánssonar, hér í bæ. Fallið var frá virðingu.

Fógeti lýsti því yfir, að hann gerði lögtak í nefndri bifreið til tryggingar framangreindum gjöldum auk dráttarvaxta og alls kostnaðar, áfallins og áfallandi, að geymdum betra rétti þriðja manns.

Brýndi fógeti fyrir mætta, að ekki mætti ráðstafa hinu lögtekná á nokkurn þann hátt, er færi í bága við gerð þessa, að viðlagðri ábyrgð að lögum.

Þriðjudaginn 29. marz 1955.

Nr. 23/1955. **Tollstjórinn í Reykjavík f. h. ríkissjóðs og Tryggingastofnunar ríkisins**

(Hermann Jónsson)

gegn

Árnasyni, Pálssyni & Co. h/f (Enginn).

Dóminn skipuðu hinir reglulegu dómara Hæstaréttar.

Lögtaksgerð staðfest.

Dómur Hæstaréttar.

Áfrýjandi hefur með stefnu 28. janúar þ. á. skotið til Hæstaréttar lögtaksgerð, er framkvæmd var eftir kröfu hans hjá stefnda hinn 8. desember 1954, og krafizt þess, að lögtaksgerðin verði staðfest. Hann krefst þess einnig, að stefnda verði dæmt að greiða honum kostnað af lögtakinu og uppboðsbeiðni og málskostnað fyrir Hæstarétti eftir mati dómsins.

Af hálfu stefnda hefur enginn komið fyrir dóm í máli þessu, enda þótt löglega hafi verið stefnt, og hefur málið því verið skriflega flutt samkvæmt 1. tölulið 38. gr. hæstaréttarlaga nr. 112/1935 og er dæmt eftir framlögðum skjölum.

Með því að engir gallar eru á hinni áfrýjuðu lögtaksgerð, ber að taka kröfu áfrýjanda um staðfestingu til greina.

Áfrýjanda verður ekki dæmdur kostnaður af lögtaki og

uppbóðsbeiðni, þar sem mat á þeim kostnaði ber undir fógeta og uppbóðshaldara samkvæmt 185. gr. laga nr. 85/1936, en þeir hafa ekki lagt úrskurð á kostnað þenna.

Stefndi hafði áfrýjað lögtaksgerðinni af sinni hálfu, áður en áfrýjandi tók út áfrýjunarstefnu sína. Hafði áfrýjandi því ástæðu til að bera hina áfrýjuðu lögtaksgerð undir Hæstarétt. Þykir því rétt að dæma stefnda til að greiða áfrýjanda málskostnað fyrir Hæstarétti, er telst hæfilega ákveðinn kr. 1500.00.

D ó m s o r ð :

Hin áfrýjaða lögtaksgerð staðfestist.

Stefndi, Árnason, Pálsson & Co. h/f, greiði áfrýjanda, tollstjóranum í Reykjavík f. h. ríkissjóðs og Tryggingastofnunar ríkisins, málskostnað fyrir Hæstarétti, kr. 1500.00.

Dóminum ber að fullnægja að viðlagðri aðför að lögum.

Lögtaksgerð fógetaréttar Reykjavíkur 8. desember 1954.

Ár 1954, miðvikudaginn 8. desember, var fógetaréttur Reykjavíkur settur í húsinu nr. 21 við Skólavörðustíg og haldinn af fulltrúa borgarfógeta, Gísla Símonarsyni, með undirrituðum vottum.

Fyrir var tekið:

Beiðni tollstjórans í Reykjavík um að taka upp og halda áfram lögtaki frá 4. júní 1954 hjá Árnason, Pálsson & Co. h/f, s. st., fyrir eftirtöldum gjöldum:

Þinggjaldi	nr. 30038 1954, kr. 6.305.00
—	— 30217 1953, — 12.260.00
Slysatryggingargjaldi	— 77 1953, — 785.60
—	— 71 1952, — 347.60
Þinggjaldi	— 30364 1952, — 2.890.00

Samtals kr. 22.588.20

auk dráttarvaxta og kostnaðar við gerð þessa og eftirfarandi uppbóð, ef til kemur.

Til staðar er í réttinum beiðni um lögtakið ásamt tilheyrandi gjaldseðlum, þingm. nr. 1—6, en lögtaksúrskurður var kveðinn upp 14/9 '53 og 14/9 '54, og birtur í dagblöðunum.

Nr. 1—6 fylgja með í eftirriti.

Fyrir gerðarpóla er mættur í réttinum að tilhlutan fógetans Guðmundur H. Þórðarson, og skoraði fógeti á mætta að greiða umkrafín gjöld, en hann kveðst ekki greiða þau fyrir gerðarpóla. Skoraði fógeti þá á mætta að benda á eignir gerðarpóla til uppskriftar og lögtaks og brýndi fyrir mætta að segja satt og að það varðaði hegningu að skýra rangt frá fyrir fógetaréttinum.

Var þá bent á, skrifað upp og virt:

Bifreiðin R 452.

Fógeti lýsti því yfir, að hann gerði lögtak í nefndri bifreið til tryggingar framangreindum gjöldum auk dráttarvaxta og alls kostnaðar, áfallins og áfallandi, að geymdum betra rétti þriðja manns.

Brýndi fógeti fyrir mætta að tilkynna gerðarpóla lögtakið og að ekki mætti ráðstafa hinu lögtekna á nokkurn hátt, er færi í bága við gerð þessa, að viðlagðri ábyrgð að lögum.

Þriðjudaginn 29. marz 1955.

Nr. 24/1955. **Tollstjórinn í Reykjavík f. h. ríkissjóðs og**

Tryggingastofnunar ríkisins

(Hermann Jónsson)

gegn

Haraldi Teitssyni (Enginn).

Dóminn skipuðu hinir reglulegu dómara Hæstaréttar.

Lögtaksgerð staðfest.

Dómur Hæstaréttar.

Áfrýjandi hefur með stefnu 28. janúar 1955 skotið til Hæstaréttar lögtaksgerð, er framkvæmd var eftir kröfu hans hjá stefnda hinn 26. nóvember 1954, og krafizt þess, að lögtaksgerðin verði staðfest. Hann krefst þess einnig, að stefnda verði dæmt að greiða honum kostnað af lögtakinu og uppboðsbeiðni og málskostnað fyrir Hæstarétti eftir mati dómsins.

Af hálfu stefnda hefur enginn komið fyrir dóm í máli